

建置志序



西域諸國古不足言國也率其種族逐水草為居不田
作而事游牧隨畜以屯其部落故號稱行國嗟乎行足
以為國乎哉至班書稱西域以孝武時始通本三十六
國其後稍分至五十餘謹按顏師古注謂司馬彪續漢
志云至於哀平有五十國焉
似駸駸乎有建國之意但攷其設置惟月氏康居烏孫
大宛戶十萬口數十萬勝兵十數萬數萬有差如是而
謂之國亦庶幾其國矣然奄蔡罽賓烏弋安息徒名大
國而不屬都護其建置遂不可攷若扞彌于闐焉耆温

新疆圖志

建置志序

宿之屬戶財數千媧羌日末卑陸單桓之屬戶財數百
下至烏貪訾離車師都尉戶不滿百徵其人民聚落遠

劣於滕薛僅乃五翎侯漢書西域傳大夏小長月氏徒
來臣畜之一曰休密治和墨二

日雙靡治雙靡二日貴霜治護藻四
日附帳治海牙五日高附治高附 小五王等漢書西
域傳康

居有小五王一曰蘇離二日附如是悉從而國之無乃
墨三曰窳匿四曰闐五曰奧捷

國其所國非吾所謂國乎而又非甚嚴夷夏之防也春
秋之法諸侯用夷禮則夷之進於中國則中國之夷狄
有君孔子以風諸夏汲汲焉若贊不容口寧於西域諸
國以種別域殊而斲之然而孟子有言矣無城郭宮室

宗廟祭祀之禮無請侯幣帛饗殮無百官有司則謂之
去人倫無君子國遂不可謂國故雖二十取一其道仍
謂之貊道此非孟子苟以繩之理則然也然則疆域之
有建置其維繫大非淺尠矣抑又聞之聖王務修德而
不勤遠畧六合之外存而不論九州之外論而不議其
於蠻夷戎狄蓋羈縻之而已秦皇漢武多事四夷太史
譏之以爲功不補患苟欲宏其建置以維繫乎疆域豈
阨以玉門陽關限葱嶺

漢書西域傳東則扼之以玉門陽關西則限之以葱嶺

斬山斷谷

北齊書斛律羨傳隨山屈曲二十餘里凡有險要或斬山築城或斷谷起嶂並置戍邏五

新疆圖志

建置志序

一

十餘

累石樹榆

漢書韓安國傳關數千里累石爲城樹榆爲塞

遂能操西北一

侯之券

漢書楊雄傳今入漢左東海右渠搜前番禺後陶塗東南一尉西北一侯果如高閭

所謂長城一成惠及百世哉

見魏書抑亦當勤修德政高閭傳

整飭戎行披其土地部落使權弱勢分

見唐書寇靜傳謀以十

勝成其九拒

見唐書郭虔瓘傳

而後可永爲重戍歟由是言之

是域民必以封疆爲界固國必以山谿爲險威天下必
以兵革爲利將規模宏遠而實德不加於其所建置之
間畧無精義以相貫注適成秦皇漢武之所爲聖王所
弗尙也雖然西域之於建置誠有亟焉不可忽者雒陽

居中國之中非有強鄰之窺伺也非有異族之雜居也
祇以田疇平衍形勢薄弱而劉敬即婁敬賜姓劉之說行東都

之謀輟謹按資治通鑑劉敬謂洛陽居天下之中有周德易以于無德易以亡高祖聽之遂都關中

室東遷蘇軾以為大誤豈非以無險可憑無要可扼有

德易王無德易亡哉況乎大漠荒寒羣羊狼狽貪之族

窮邊廓遠集鷹麟鸚鵡之窺有如今日之新疆者而顧

可坦率以處之坎之取象曰王公設險以守其國夫險

而曰設非無所建置明矣四嶽三塗陽城大室荆山終

南此九州之險天地所自成者新疆為雍梁餘閩雖附

新疆圖志

建置志序

庸秦隴實居

京師萬里之外三代之時視同甌脫秦漢始注意之迄

於元明歷有屯田校尉都護宣慰司之置其源流沿革

成敗得失具詳於總論惟徵其方畧攷其制度大率窮

兵黷武好大喜功外市柔遠之名陰則伺其利而不同

其害宜乎深目降準髡頭冒衫之屬時叛時服時絕時

通初無服疇食德之誠子孫茅土之意也是非深其文

以周內之蓋地未至於郡縣雖曰歸化不得謂為領土

土地既非我有即不能泯其畛域之迹以化其主客之

心而生長是邦者神明無所憑依身家無所保障視其鄉土亦無所繫戀此東西各國制殖民地之制與制府郡縣之制所以畔然各殊也惟我聖清聲靈赫濯覃及遐荒再振

王師拓疆萬里初亦沿都護軍府之制至光緒壬午建設行省舉兩疆而郡縣之地大物博誠未能都都相望邑邑相屬然星羅棋布左亢右犄張其形勢實足以聯絡蒙藏拱衛

聖京不僅爲秦晉藩籬已也辛亥七月新疆建置志成

新疆圖志

建置志序

四

予司鑒定役發明郡縣之意義如此竊願後之守斯土者常體

列聖締造艱難之意而爲定功保大之謨將前此之所建置歷久而常新後此之所建置日起而不竭則強鄰之窺伺者泯覬覦之謀異族之雜居者享安綏之樂而行國之故態無復睹聞則斯志之成不惟廣其紀載亦蔚爲

邦國光也猗歟休哉是爲序

宣統三年七月下浣撫新使者渦陽袁大化序

新疆圖志卷一

建置志一

新疆東扞長城北蔽蒙古南連衛藏西倚葱嶺居神州大陸之脊勢若高屋之建旣得之則足以屏衛中國鞏我藩籬不得則晉隴蒙古之地均失其險一舉足而中原爲之動搖是故漢取三十六國以斷匈奴右臂唐開安西北庭以制諸蕃元崛起金山奄取西域卒滅宋金而有天下此皆明效大驗者而論者謬以爲耗中華而事無用勤遠畧而忘近功斯於形勢不亦闇乎夫在昔

新疆圖志

建置志一

嬴秦攘卻戎狄築長城界中國其時邊徼荒遠猶阻絕未通也自漢以來始開遠跡而匈奴之強弱常與西域之通塞相爲終始武帝結烏孫伐大宛田輪臺渠犂置使者校尉領護山南諸國於是匈奴之勢始衰然時漢獨護南道未能盡併北道也及鄭吉爲都護治烏壘城兼領北道而匈奴益弱罷僮僕都尉幕南無王庭焉後漢中興天下初定未遑外事其時山南君長互相攻擊裂爲五十餘國永平之際北虜脅之共寇河西於是復置都護長史戊巳校尉更治其地而班超之功最著安

帝即位詔罷都護遂棄西域而北匈奴復收屬諸國共
爲邊患時議者欲閉玉門陽關以絕之賴陳忠之謀久
而獲定魏晉以降中州雲擾鮮卑西部起山北致强大
其支族豪長迺竊據華夏僭閏位者數百年

慕容拓跋
宇文禿髮

乞伏諸
皆鮮卑族

北魏則有蠕蠕悅般高車後周則有突厥鐵

勒皆分據北疆迭長爭雄迄於隋季世爲邊寇昔時舊
國山北惟烏孫山南惟鄯善龜茲于闐僅存而已唐興
太宗奮其武烈征鐵勒平高昌滅薛延陀逐西突厥於
伊麗河外悉定西域之地置北庭都護以監北道安西

新疆圖志

建置志

二

都護以監南道其下曰都督府曰州曰縣戍邊之兵大
曰軍小曰守捉曰城曰鎮皆有使自都督以下悉領於
大都護繇是邊庭晏然烽埃無警垂六十餘年開寶之
後唐室中微西域領地北淪回鶻南入吐番沙陀復起
金山而承其敝逮於五季邊禍相屬宋時遼最强盛天
山南北悉降於遼元起朔漠盡取塞地山北爲阿力麻
里及回鶻五城地諸王海都行營統軍之所山南爲別
失八里諸國地置宣慰司元帥府以統之故能力征經
營混壹區夏至於有明國威不振瓦剌猖獗長驅內犯

是有工木之變其後畏兀兒吐魯番諸族更盛迭衰而
山北之地復分爲四衛拉特部雖時一朝貢特示羈縻
終不能撫而有也由是觀之中國盛則威力足以相制
而羈場以安及其衰也舉邊要而捐之則反乘中國之
敝而天下卒以多事伊古以來得失之鑒灼若著龜雖
有明智未之能易已洎我

聖清御宇長駕遠馭九有方夏悉主悉臣惟準噶爾崛強
西陲負固不服自康熙迄雍乾三朝之間

王師載駕天戈所指掃穴犁庭於是一討噶爾丹再俘達瓦齊

新疆圖志

建置志一

二

三殲阿睦爾撒納鯨鯢旣翦屬土歸命是爲北疆底定
之始旣而回酋霍集占兄弟煽眾爲亂移師南嚮迭克
名城二豎窮蹙授首荒外傳檄而下兵不衄及是爲南
疆底定之始方準夷再叛時會廷議決進止惟大學士
傅恒主進取之策而謀國持重之臣咸以謂戎索之外
古者弗臣得其地不可以耕虜其人不可以使不如服
而舍之使守在四夷樹我邊衛於義爲便

天子內奮乾斷外排羣議戎衣壹著拓疆萬里乾隆二十四年
遂建總統伊犁等處將軍參贊大臣辦事大臣同知總

管等官鎮撫之而畫烏魯木齊以東地改置州縣隸於
甘肅省爵回準王公台吉世襲各有差并設回部諸札
薩克伯克分理回務鈐束其衆當是之時新疆版圖廣
輪二萬餘里帶甲之士四萬歲納米粟十四萬三千餘
石開屯列戍碁布星羅蓋所以屏翰關輔拱衛燕雲者
基益鞏固而藩屬之效順朝貢者若哈薩克布魯特霍
罕即浩罕安集延瑪爾噶朗那木干塔什干巴達克山捕
洛爾布哈爾愛烏罕即阿富汗痕都斯坦巴勒提復十餘國
自漢唐以還未有若斯之盛也咸同之際

新疆圖志

建置

四

朝廷方用兵東南黠回金相印等圖新疆備弛陰結安集
延四阿古柏作亂陝回白彥虎應之盡失天山南北之
地而俄羅斯藉代我收復爲名入踞伊犁西北糜爛羣
情沮喪或以謂髮捻初平宜休兵息民徐以觀釁西域
阻遠非所宜急且強鄰干預連兵不解尤恐牽動全局
頗有主閉關之議者時左宗棠督師隴右獨力持不可
疏言自古中國邊患西北常劇於東南顧祖禹論方輿
形勢視列代建都之地以爲輕重我

朝

定鼎燕京內外衆部環衛朔方前代九邊胥成腹地皆

直隸州拜城縣烏什直隸撫彝廳西四城設分巡兵備
道駐喀什噶爾回城即今疏附縣兼管通商事設疏勒直隸
州疏附縣英吉沙爾直隸撫彝廳莎車直隸州葉城縣
瑪納巴什直隸水利撫民廳和闐直隸州于闐縣北路
改迪化直隸州爲迪化縣添設迪化府爲省治轄迪化
及舊設昌吉綏來阜康奇臺五縣徙奇臺縣於古城遷
巡檢於舊治凡設府一廳五直隸州四縣四改縣一徙
縣一其哈密鎮西吐魯番如故十二年設庫爾喀喇烏
蘇廳十四年裁伊犁撫民同知升伊犁廳爲府附府設

新疆圖志

建置志一

五

綏定縣以廣仁瞻德拱宸塔勒奇四城隸之是爲西六
城將軍仿內地駐防之例移駐惠遠滿城設寧遠縣以
惠遠熙春兩城隸之是爲東三城設伊塔分巡道兼管
通商事設霍爾果斯分防廳精河直隸撫民廳改塔爾
巴哈臺理事通判爲塔城直隸撫民廳二十四年巡撫
饒應祺復奏設新平縣二十八年奏請增改各廳州縣
於是南路西四城升疏勒爲府增置伽師縣升莎車爲
府增置蒲犁分防廳皮山縣洛浦縣改瑪納巴什廳爲
巴楚州東四城升溫宿爲府增置溫宿縣柯坪分縣升

喀喇沙爾廳為焉耆府增置輪臺縣塔羌縣改庫車廳
為直隸州增置沙雅縣北路增置孚遠縣鄯善縣呼圖
壁分縣是年凡升設府三改直隸州一州一增廳一縣
九分縣二諸府廳州縣皆分隸四道自光緒八年至二
十八年凡設道四府六廳十一直隸州二州一縣二十
一分縣二地東西七千餘里南北三千餘里按漢書云
東西六千
餘里南北千餘里蓋其時由玉門迄天山以此不在界
內故較今為狹也按玉門在敦煌東北三百餘里今雙
塔堡土亂
山二東界甘肅安西州南界退擺特及克什米爾巴
勒提等部東北界阿拉善及喀爾喀蒙古西北界俄國

新疆圖志

建置志一

七

七河省斜米省提封田一千一百五十萬一千四百七
十六畝民戶四十一萬二千二百一十口二百萬三千
九百三十一軍興北疆被禍最酷閭閻衰耗耆定後勞
徠拊煦離邊稍集及宣統元年羸於光緒三年之數數
倍然多僑戶地著百無一二俄蕃商賈皆以伊犁塔城
迪化為市場而南疆舊分八城西四城密邇英屬故英
人之仰機利者多歸之獨塔羌新平壤地荒僻人民稀
少烏什醜土燒陘戶口凋殘他城皆視吐魯番饒裕而
疏附和闐于闐莎車葉城等處既庶且富粲然具大觀

又視各城優勝今為攷域望之因革種姓之區分推詳郡邑戶數道里遠近夷察風俗純駁生齒興衰求本末窮變之由參以所聞所見蒐而論之庶得其要領焉

鎮迪道治迪化府鎮

迪化府故烏魯木齊東至京師八千八百四十里乾隆二十二年平準部定新疆北路以烏魯木齊為


腹地光緒九年建新疆行省以迪化直隸州城為省治十二年升為府烏魯木齊向無城乾隆二十八年創築

於紅山之側賜名迪化城周五里四分門四東惠孚西慶豐南肇阜北憬惠其南郭接連舊城一則初

定此地時協鎮駐紮之所也光緒十二年改築省城周十一里五分二釐毀迪化舊城東北兩牆新滿城西南

兩牆展築東南隅與西北隅合二城為一周二千有七十四丈五尺門七東承曦西慶豐南肇阜北憬惠東偏

新疆圖志



建置志一

南有新東門曰惠孚南之左有新南門曰麗陽西偏北有

一新城賜名鞏甯城周九里有奇門四東承曦西宜禧南軌同

北樞正以滿蒙漢三體及回子字書於門端四十八年重修同治三年回變城陷都統平瑞死之城遂廢

按至京至省至道至府里數皆就驛路計算下均同此宣統元年戶二萬三千八

百一十三口一十萬二百五十六 縣六 迪化附郭

十二年置戶七千三百四十四昌吉故甯邊城在府治西

二口三萬八千九百九十四年築初設巡檢三十八年置縣城周二里五分高一丈

五尺門四東文同西武定南諧邇北變遷戶一千七百

六十八口九綏來故綏甯城在府治西三百四十里乾

千八百一有城日康吉亦乾隆四十二年築周三里二分高一丈

六尺門四東迎曦西北成南來薰北慶雙構城之間曰陽關亦曰靖遠關邊城三城皆乾隆四十二年建至光緒十年通為一城以南城為縣治戶三千

治東北一百三十里乾隆二十八年築城周二里五分高一丈六尺門四東綏惠西振威南麗陽北寧朔初設特納格爾州判四十四年置縣

孚遠故濟木薩縣丞治戶一十七口四千六百四

聖光緒二十八年升為縣有舊城一乾隆三十七年築周三里二分高一丈一尺賜名愷安門三東麗

旭西同風南單惠光緒二十年重修改各孚遠城周七百六十七丈門二東載陽南迎薰西挹爽即今治又縣治北二十里有故保惠城今各後堡

奇臺故靖甯城在戶一千一十六口八百三十五

六十里乾隆二十四年設堡周一里四十一一年置縣展堡築城周二里七分高一丈五尺門四東延曦西景灝南薰阜北徠安初隸鎮西府巡檢治故孚遠城亦曰古城在縣西九十里乾隆四十年築周四里高一丈八尺

承薰又景福北拱極戶六千六百九十二口一萬四千六百九十滿城官戶兵丁一千八百四十七員各

分縣一 呼圖壁一作呼圖克拜東距昌吉縣治九十里乾隆二十九年築景化城周二里五分高一丈六尺門四東熙景西寶成南阜薰北溥信初設洛克倫巡檢駐呼圖壁後改呼圖壁巡檢光緒二十九年升為縣丞轄景化驛戶一吐魯番直隸廳東至千四百六十一口八千二百二十一

八千三百十里西北至省治五百三十里舊有城城回部長額敏和卓世居之地人呼安城乾隆二十一年賜名廣安城周四里高一丈八尺門四東朝曦西宣義南殷阜北利成四十四年置直隸廳戶九千九

新疆圖志

建置志一

十五口四萬戶一萬四千一百一十六口七萬一千八

百五 縣一 鄯善 故闢展巡檢治在廳治東二百一

八年改爲縣城周三里門三二戶

鎮四直隸廳故巴爾庫勒一曰巴里坤東至京師七千

正九年築巴爾庫勒城周八里高二丈門四乾隆三十

八年置鎮西府以巴爾庫勒城爲府治領縣二曰宜禾

曰奇臺咸豐三年改直隸廳省宜禾以奇臺縣迪化精

城在廳城南乾隆三十七年築會甯城與漢城毗連周

六里三分高一丈六尺東宣澤西導豐戶一千八百一

十八口八千五十八

哈密直隸廳東至京師七千二百二十里西至省治一

千六百二十里漢城雍正五年築周三里

新疆圖志 建置志一

五分高二丈五尺門四東向陽西挹爽南迎薰北拱辰

東西北三門爲官兵駐防之所北門外圍牆一道長一

百六十七丈用以儲糧回城在城西三里許回王所治

康熙五十六年築周四里六分高二丈六尺東北各一

門戶一千二百五十一口四千五百六十八

纏王所轄

纏民八千

四百四十七

丁口不在內

庫爾喀喇烏蘇直隸廳

故遂城堡東至京師九千五百

十里東至省治七百一十里乾

隆二十八年築於河濱設兵屯田四十八年重修

賜名慶綏周三里一分高一丈六尺門四東撫仁西

向義南溥澤北奉恩光

戶七百六十七口三千八百五

緒十二年改置直隸廳

黃教喇嘛千人

統於王貝勒

伊塔道 治甯遠縣領

府一廳二

伊犁府 東至京師一萬六百里十里東至省治一千七百

十三年裁撫民同知升戶八千二百三口三萬三千四

伊犁廳為府治綏定縣 戶八千二百三口三萬三千四

百二 分防廳一 霍爾果斯 故拱宸城東南至伊塔

治西一百一十里乾隆四十二年築城周 縣二 綏定

三里有奇門三東寅暉臨遵樂南綏定 府治本烏哈爾里克地乾隆二十七年築城各綏定周

四里有奇門三東仁熙西義集南利渠光緒十三年置

縣戶二千六百二十五 寧遠 故固勒札一日金頂寺在

口一萬四百六十五 隆二一十七年築城名寧遠周四里有奇門四東景旭西

環瀛南嘉惠北歸極光緒十三年置縣戶四千五百七

千九百三十七 精河直隸廳 故安阜城舊作昂河東至京師九千九百

新疆圖志 建置志一 十一

伊塔道治所五百七十里乾隆二十二年築四十八年

於東仁里築今城而各仍其舊周二里二分高一丈七

尺三寸門四東登春西永豐南輯和 戶五百四十三口

北保康光緒十三年改置直隸廳 二千二百二十五

塔城直隸廳 故楚呼楚東至京師一萬四百六十五里

塔道治所一千九百七十九里乾隆二十八年築城於

雅爾曰肇豐門四東翔和西布說南乘離北暨朔旋以

雅爾冬後雪深難於駐守三十一年乃內徙二百里築

城於楚呼楚 賜各綏靖易其地各為塔爾巴哈臺城

周二里七分高一丈八尺門三東翔和西布說南遂亨

四十一年重修同治三年圍亂焚燒殆盡光緒十四年

參贊額爾賚額別築新城距舊城里許城周二里門三

東綏靖西懷德南雍熙參贊駐焉十六年裁糧餉理事

通判改置直隸廳 戶九百九十三口五千一百三十二

脩葺舊城為廳治

阿克蘇道治溫宿府領府二廳一直隸州一

溫宿府故阿克蘇回城東至京師一萬八千三百二十里東北至省治二千七百八十里光緒九年置溫宿

直隸州二十八年升為府有舊城周一百四十丈東西

蘇道治所也西域圖志稱城東地勢甚高前行界深溝

自下而上繞出城南垣墉陡峻北踞崇岡四城連峙每

餘丈城小而固洵形勢地也戶一萬戶三萬三千三百

二千五百二十二口五萬五千二百二 縣二 溫宿

故溫宿州巡檢治在府治北二十五里光緒二十八年

升為縣城在回城之西道光十九年築門四東平秩西

鎮迤南羅離北迎恩回城已地戶一萬一拜城舊呼曰

千三百七十四口五萬一千二百八十七拜城拜在府

治東四百六十里光緒九年置縣城踞山岡周一里三

六百八十八口四萬 分縣一 柯坪故阿克蘇西南柯

溫宿縣五百二十五里光緒二十八年置分防

縣丞戶一千二百八十四口二千七百四十四

烏什直隸廳故烏什回城至京師一萬一千七十里東

所二百四十里舊有城為回部部長霍集斯世居之地乾

隆三十一年築新城周二里六分 賜各承甯門

四光緒九年 戶七千二百一十七口四萬七千四百五

十四 庫車直隸州故庫車回城東至京師一萬八十里東北

七百五十里光緒九年置直隸廳二十八里改直隸州

新疆圖志

建置志一

五十八年重修戶一萬八千一百一十戶二萬四千二百五

十八口一十二萬四千八百七十七 縣一 沙雅故

雅爾回莊在州治南一百八十里光緒二十八年置縣城周二里許高一丈四尺南北二門戶六千一百十口

二萬五千四百四十二

焉耆府 故喀喇沙爾回城東至京師九千一百四十里東北至省治一千九十里西至阿克蘇道治所

一千六百九十里光緒八年置喀喇沙爾直隸廳二十四年升為府舊有城周一里五分門二東德綉西撫棟

乾隆四十三年五十二年重修戶八千八百二十九

口四萬五千四百五十九 縣三 新平 故什尼戛地在府治西南

一百五十三里光緒二十四年置縣無城戶八百三十七口四千九百五 婁羞 故喀克里克縣丞治在府

新疆圖志

建置志一

十三

治南一百一十二里光緒二十八年升為縣無城戶七百一十二口四千一百八十一 輪臺 故玉古

一曰布告爾在府治西六百里光緒二十八年升為縣治四城戶二千八百三十口一萬六千三百四十九

喀什噶爾道 治疏附縣領府二廳一直隸州一

疏勒府 故喀什噶爾回城東至京師一萬二千一百七十四里東北至省治四千一百二十四里北至

喀什噶爾道治所二十四里光緒九年置疏勒直隸州二十八年升為府有舊城周三里餘東門二西南門各

一回眾居之乾隆二十七年於舊城西北一里許創築一城周二里有奇門四東承恩西撫卷南彰化北關遠

周八里六分東南北門各一今府治也戶三萬六千一

百五十四口一十六戶十萬一千四百四十七口四十

萬九千九百五十九 縣二 疏附 故回莊在府治

七萬八千二百六十九

縣二

疏附 故回莊在府治西北二十四里

光緒九年八月喀什噶爾西北地置縣舊有城乾隆二十四年重脩道光十八年阿奇木早敦又拓寬其西南光緒二十四年因協署在城外副將楊德俊請開西門包以月城周一十二里七分門四戶三萬八千三十一口一十七萬三千八百一十八 伽師故牌斯巴特回莊在府治東一百一十三萬四千五百一

英吉沙爾直隸廳故英吉沙爾回莊東至京師一萬二千二百二十四里東北至省治四千二百七十四里北至喀什噶爾道治所一百五十五里光緒九年置直隸廳舊有城周二里許城中隔一牆牆之南回民居之其北官民居之二十四年展築城垣納郭外回民於城內城周二里南北門二城中隔牆東西長十五丈一尺中戶三萬六千三百四十七口一十一萬六千九百七十一

新疆圖志

英吉沙爾

莎車府

故葉爾羌回城東至京師一萬二千一百二十七里東北至省治四千七十三里西北至喀什噶爾道治所四百六十九里光緒九年置直隸州二十八年升為府舊有城為回酋瑪哈墨特世居之地城周

十一里有奇西北各有門一南門二西或圖志稱有六門土岡環其東南城居山岡規模宏敞甲於回部光緒二十四年重建新城周八百九十四丈四尺在回城西門二今府治也戶四萬四千六百六十三口一十九萬六千三百九十九萬三千四百四十三萬九千七百八十三戶九萬三千四百四十三萬九千七百八十一

州一 縣二

蒲犁分防廳

故色勒庫爾地在府治西八百里無城郭光緒二十年

八年設分防通判南郭外番凡三道此其總巴楚州故會地也戶一千五百六十二口九千二百一

爾楚克回莊有府治東北五百六十里光緒九年置瑪巴什直隸廳二十八年改巴楚州城周三里二分高二

丈四尺門三戶一萬二千五百九 葉城故哈哈里克回十六口六萬一千七百六十八

聖光在府治南二百里光緒九年置縣城周一十一里
九分門濶戶二萬六千三百四十一十八萬八千五百
六十皮山故囑嗎回莊在府治西三百八十里光緒二
四年置縣無城戶七千八百七十九口四
萬四千一百八十四

和闐直隸州故額里齊回城東至京師一萬二千九百
七十九里東北至省治四千九百二十九

里西北至喀什噶爾道治所一千二百二十五里光緒
九年置直隸州其地舊有六城以額里齊為大即今和
闐城城周二三里有奇門四城內東南隔開一門官兵
居之餘三面四人居之其餘五城惟哈喇哈什及克里

雅有城其玉龍哈什車路哈什皆無城僅一村耳戶
三萬四千五百五十八口二十萬四千一百一十二戶

六萬六千二百七十七口三十七萬四千六百八十一

縣二 于闐故克里雅回城在州治東四百六十里
東至塔羌縣治約二千五百里光緒九

新疆圖志

建置志一

年置縣戶一萬九千九百七
十九口九萬七千八百六

洛浦故多樂普回莊在州
治東六十里光緒二

十八年析和闐東境玉河以東十五莊于闐西境乙根
闐干以西二十三莊置縣無城戶一萬一千七百四十
口七萬二千
七百六十三

迪化府者準噶爾故地也北極高四十三度四十八分
偏京西二十八度四十九分

夏全晝長六十刻十四分夜長二十五刻一分冬至
晝長二丈三尺四寸八分春秋分長九尺四寸七分

漢
為卑陸漢書西域傳王治天山東崑當谷謹案葱嶺分
支自疏附以至鎮西古今皆統各曰天山武帝

紀注晉灼曰天山近蒲類國去長安八千餘里師古曰
即折連山後漢書竇固傳注以為折維漫山在兩州交

河縣東北又班超傳注云天山去蒲類海百里唐書地
理志交河郡下即言交河縣北天山又言自西州西南

有南平安昌兩城百二十里至天山西南人谷以上所
言天山皆不在一地蒙古謂天為騰格里今汗騰格里

百九十里更以去都護里數相較蒲類在後庭東北一百
五十里更以後漢書去洛陽里數相較蒲類在後庭西
北八百七十里二史尚指疏榆谷言山谷有定所而乖
悟若此則二漢西域傳里數難盡信也西域傳補注謂
疏榆谷在焉耆北三百餘里蓋據後漢書蒲類東南去
長史之文也然後漢書方向亦有誤如焉耆北去長史
所居八百里豈可據此而謂焉耆在吐魯番南耶謹案
後漢書西域傳蒲類本大國前西域屬匈奴單于徙其
人六千餘口內之匈奴右部阿慈地因號曰阿惡國去
車師後部馬行九十餘日人口貧羸逃亡山中問故留
爲國云蓋謂當日徙蒲類人祇六千餘口其貧羸者逃
亡於疏榆山谷即今之蒲類也地近北庭陶氏以木
之近是蒲類後國謹案西域傳不言所治後漢書移支
或即後國敷當在今木壘河之東西西域傳補注謂蒲類
且彌傍天山左右在大小裕勒都斯地土爾扈特和碩
特所游單桓西域傳王治單桓城徐松云不在山中故
收非是單桓言以謹案烏貪訶離東與單桓接烏貪訶

新疆圖志

建置志一

十七

離乃都護分車師後王之西地以處之者則單桓蓋亦
車師後王之地烏貪訶離去長安萬三百三十里單桓
去長安八千八百七十里二國相去一千四百餘里烏
不得言接其里數恐有誤也其國當在今昌吉境內烏

貪訶離

西域傳王治于婁谷東與單桓南與且彌西與
烏貪訶離係接侍行記云疑在今昌吉縣西之呼圖壁

呼圖壁之音近於烏貪訶離西域傳補注謂單桓在阜康縣東烏
貪訶離在阜康縣治按以阜康爲烏貪則西不能與烏
孫接矣西域傳補注言烏貪在博克達山中則其南之
且彌當移置吐魯番其西亦不接烏孫且徐氏又言且

彌在裕勒都斯則博克達且彌西域傳王治天山東兌
達山安能南與之接耶東且彌虛谷以後漢書東去長

史八百里證之蓋正長史西北也後漢書云車師前後
部及東且彌罕陸蒲類移支是爲車師六國北與匈奴

接前部西通焉耆北道後部西通烏孫蓋東西二且彌
皆車師之地且彌在烏貪訶離之南單桓之西南烏孫

之東其地當在今呼圖壁南山中西且彌又在其西南
也侍行記云西域圖志謂二且彌在闕展金嶺之北與

後漢書東云長史之女不合謹案東西二且彌三國時并屬車師後部魏書云且彌在車師北其不在關其可知也西且彌西域傳王治天山東于大谷謹案宋本于作天十三國地兼有匈奴

屬地及烏孫東境武帝時山北皆車師國地按史記大宛傳作姑

師其王居北境石城中屬於匈奴宣帝時侍郎鄭吉擊

降之後分為前後王及山北六國待行詔云蓋指卑陸

恒且彌也前後二王不在內其卑陸後國西且彌等又日後分裂者也觀班史山北六國句益信卑陸劫之不

在商路矣又分為烏貪訾離國東漢初郁立師單桓烏貪訾

離為車師所滅後復立時稱前後部東且彌卑陸蒲類

移支為車師六國見後漢西域傳與前兩屬於漢及匈

新疆志

建置志一

十八

奴明帝時竇固耿秉擊車師後王迎降和帝後時服時

叛三國時東西且彌單桓卑陸蒲類烏貪并屬車師後

部治於賴城魏賜王壹多雜玉印號大都尉魏志引西

陸蒲類為晉屬鐵勒魏書北史皆云高亦曰高車高車

初役屬於蠕蠕北魏太和中遣使朝貢其後大破蠕蠕

走其土後周屬突厥隋大業中西突厥處羅可汗始大

鐵勒諸部皆臣之處羅徵稅無度鐵勒叛共推契苾契

莫哥楞名為易勿真一作易莫賀可汗按北史何居貪汗

山北及西突厥射匱可汗復強時處羅契苾部去可汗

號以臣之而鐵勒回紇之屬東突厥者分統於阿史那

社爾唐太宗貞觀時率衆內屬及侯君集滅高昌其後

乃置庭州謹案舊唐書地赤貞觀十四年侯君集滅高昌置庭州及金滿輪臺三縣非也領金滿謹案西域圖志兩域圖考

置庭州及金滿輪臺三縣非兩事李光庭直謂唐滅高昌即其

地置庭州立金滿輪臺三縣非也

縣即今濟木薩地獨西域圖考據通典寧宇記書改

滿爲蒲考舊唐書地理志貞觀十四年置庭州及金滿

輪臺蒲類三縣新唐書永徽五年以處月部落置金滿

州隸輪臺龍朔二年升爲州皆作金滿不作金滿李氏

既誤以庭州爲高昌矣故於金滿縣下注云武斷輪臺謹案

紀要謂漢唐二輪臺均在庭州西域圖志謂唐輪臺本

漢輪臺地兼有焉考國云云侍行記極辨其誤謂唐輪

臺在今迪化北古牧池左右按元和志輪臺縣東至庭

州四百二十里元耶律楚材西遊錄別石把城西二百

里爲唐輪臺縣長春真人西遊記鼈思馬爲唐北庭端

府即瀚海軍其西三百里有縣曰輪臺按鼈思馬即別

石把之對音端府都護府之合音故欲知唐輪臺在

何處必先知唐北庭都護府在何處舊唐書地志貞觀

十四年平高昌置庭州領金滿蒲類輪臺三縣又云貞

觀二十年突厥泥伏沙鉢羅葉護阿史那賀魯率衆

內附乃置庭州處葉護部落長安二年改爲北庭都護

府後又置輪臺都護府領金滿縣地志金滿下云後得

車師後王庭有五城俗號五城之地回語五日別石城

曰把別石把猶言回鶻五城也據此則別石把鼈思馬

回鶻五城庭州北庭都護府實一地也元史譯文證補

云舊唐書北庭都護府在涼州西北五千七百二十里

東至伊州六百八十里南至西州四百五十里西遊錄

別石把在高昌北五百里唐之京師在今陝西西安府

伊州今哈密西州高昌今吐魯番以道里準之北庭都

護府當在今迪化府北境外科布多極南霍爾楚特井

新疆圖志



建置志

少北之地輪臺縣在北庭都護府西或曰四百里或曰
三百里或曰二百里或以縣治言或以縣境言要之不
甚相遠其地當在今洛克倫河之東其東北近占爾
通古特沙磧之地去古牧地尚遠故岑參詩曰輪臺九
月風夜吼一川碎石大如斗隨風滿地石亂走則其地
逼介沙磧可知又而遊記云宿輪臺縣東陰山下震宇
記云山北有大磧入金山哥羅祿住處也陰山當屬天
山北支李光庭亦云自伊犁而東其南支曰天山北支
日陰山山北大磧蓋即占爾班通古特之地論此即阿
爾泰山山境矣今考唐書高昌傳侯君集討高昌欲谷設
使葉護屯浮圖城與高昌響應浮圖城即務塗之異字務
塗為漢後庭所治金滿即在務塗谷中今濟木薩城北
二十里護堡子有古城俗謂唐城遺址而金滿縣合唐
碑即出此地其為唐都護府治無疑也護堡即都護府
之沿稱或務塗之音轉且以後漢書西域傳自高昌壁
北通後部金滿城五百里及耶律楚材西域傳別石把
城南五百里有和州即唐之高昌道里證之蒲類謹案
適相符合輒臺驛當在今迪化昌吉之間

新疆圖志

建置志一

二十一

圖志謂即今古城侍行記謂在今木壘河西九十里舊
奇臺城地西域圖考謂即今古城及巴里坤新唐書蒲
類北百六十里在北庭以地望三縣賀魯仍有耶羅斯
考之當在今奇臺北道橋北也

川侍行記云即額爾齊斯河下流各未幾內附以其地置瑤池都督府

處庭州莫賀城侍行記云城當在庭州北與耶羅斯相近疑即布倫托海故有瑤池之目高

宗時賀魯叛寇庭州蘇定方等分道出金山大破之賀

魯跳度伊麗水庭州以安增置馮洛州元和志馮洛鎮在府西三百七

十里新唐志唐州西延城西六十里有馮洛守捉輪臺
侍行記云西延疑即後庭城馮洛疑在阜康東界

州叱勒州新唐志馮洛西六十里有耶勒城守捉侍行記云疑在阜康或即取恭所守之疏勒城也

各都督府分治庭州界內統隸於安西大都護府武后

時設北庭大都護府以諸蕃州都督改隸北庭並置場
龍軍尋改瀚海軍與庭州同城開元初東突厥默啜可
汗遣其子圍北庭都護郭虔瓘禽斬之旋置北庭節度
使天寶中增青海軍肅宗保應元年改金滿曰後庭縣
後增設西海縣代宗時復於輪臺置靜塞軍貞元後其
地屬吐蕃後又屬西州回鶻唐書回鶻傳大歷以後吐蕃侵河隴惟李元忠守北庭德宗建中二年遣使入貢詔以爲節度使假道回鶻以朝貢因附庸焉回鶻徵求無厭葛祿部白服突厥皆其支掠而吐蕃厚賂誘之遂附吐蕃貞元五年入寇北庭及沙陀皆降時沙陀部落六千餘帳依北庭其酋圖金滿州都督各盡忠節度使楊襲古奔西州葛祿取浮圖川回鶻遷避遂屬吐蕃懿宗時回鶻大酋僕古俊擊

新疆圖志

建置志

一一一

逐吐蕃自是後唐爲契丹所破宋爲高昌北庭臣服於
遼南宋時屬西遼元時爲回鶻五城之地曰別失八里

謹按即律楚材西遊錄金山南有回鶻城名別石把音唐碑向長春西遊記謂之籠思馬皆別失八里之對音耶律鑄雙溪醉游集云漢車師王故庭有五城俗號五城之地今其作謂之怕什巴里蓋突厥語也元末

強臣猛可帖木耳據之爲瓦喇國明永樂時分三酋皆

受封爵謹按明史西域傳永樂七年封瑪哈木爲順瑪

哈木最強數寇邊傳子脫懽并三部爲一奉脫脫不花

爲元主而自爲丞相傳子也先稱太師淮王役屬哈密

及諸蒙古正統中寇大同英宗親征被虜史所謂土木

之役也景泰初也先弒脫脫不花而自立為可汗遣子

入朝嘉靖間為吐魯番所敗明史瓦剌傳景帝景泰初

汗四年遣子入朝善稱大元田盛大可汗明帝報書稱

瓦喇可汗尋被弒英宗天順中也先之孫阿失鐵木兒

嗣為酋孝宗宏治初又分二部皆稱大帥統於其首小

列虎也魯番據哈密巡撫許進以金帛厚臨部助攻

八年小列虎戰死其子卜六阿及討賊効順武帝正德

中有卜六王者市把思濶世宗嘉靖時為吐魯番所敗

自是不復振按也先一作後分四衛拉特謹按四衛拉

額森把思濶即巴里坤也特治額爾齊斯河綽羅斯治伊犁和碩特治烏魯木齊

爾伯特之輝特別為一部仍稱四謹按居烏魯木齊者天下

衛拉如故是為蒙古衛拉特郡國利病書為和碩特部侍行記云相傳為元太祖弟

作委魯魯母哈布圖哈薩爾之後然元史

新疆圖志

諸王表無其人俞浩李光庭皆疑之明末固始汗徙青海此地屬額魯特

蒙古準噶爾

聖清興屢破其眾乾隆時其地內屬將軍永常進討庫

木諾雅特特務收之昂吉噶勒丹多爾濟以烏魯木齊降

防軍築一壘周三四二十五年夏陝甘總督楊應琚奏

設烏魯木齊同知隸於安西道二十八年於舊壘之北

築滿城賜名迪化移安西提督駐之二十六年

冬伊犁將軍舒赫德奏設參贊大臣明年於迪化西六

里築滿城賜名鞏甯增理事通判三十八年夏

改參贊為都統並設領隊大臣改巴里坤道為鎮迪道

改同知為迪化直隸州均駐鞏甯城所轄昌吉縣四十

一年增阜康縣西十三年增綏來縣

咸豐五年割鎮西之奇臺縣來屬

同治初陷於回亂

光緒二年始復其城十年建行省以其地為省治設官

府屯重兵如內地其地居天山之陰東九百七十里至

噶順即茂臺接鎮西南三百二十里至白楊河接吐魯番

西六百里至石壘接庫爾喀喇烏蘇北二百二十里至

白家海子接科布多東南七百五十里至穆家地接吐

魯番及鄯善西南五百七十里至頭道河接庫爾喀喇

烏蘇之月牙台承化寺喇嘛牧地東北八百七十里至

哈布塔克接鎮西及科布多之札哈沁旗西北六百一

十里至各林各諾爾接塔城東西一千五百七十里南

北五百四十里山河鞏塞形勢隴阻西域圖志迪化形勢

新疆圖志建置志 一二二

克達鄂拉環其東烏可克達巴哲爾格新鄂拉拱其南鄂倫淖爾瀾其左烏魯木齊鄂勒經流其西北山環水

繞土膏沃衍而封壤堅腴宜種殖畜牧經涂四達利盡西北

北路一大都會也當全盛之時屯戍相望華戎商賈良

細挾資斧往來聚族列闈而錯居以萬數百騰玩好皓

侈駢闐嘉道之際稱極盛焉其民或以關內下貧或以

報怨過當而學士大夫之遣戍者往往出於其間故其

俗躋駁或侈靡相高軍興以來湘楚人爲最多庚子後

津沽商旅挈累重者踵至而秦隴之人亦無慮數千戶

情遊失業地負者半之次都楚人多仕宦津人大買

秦人多負販此其大較也纏商列市南郭其俗奉十葉

教謹按天方教在東土者皆禮拜誦經漢裝回率徒自

關內執賤業屠牛羊深目而聳準寒勇鋒俠好勇樂禍

宗教與纏回同而稍變其禮數南郭之外則俄商所集

皆受成於領事而蒙哈冒衫之遷引者尤眾故其種族

雜厝風俗不齊又冠蓋輻湊浮食者多民去本就末競

趨巧偽婦女戴金玉羞不相及尙巫鬼飾寺觀每歲四

五月晴燠少雨卽賽神樹下河濱徵歌演劇男女雜坐

車服炫麥纏民男則賣漿張帟幄擿杜達狀類阮咸以木爲之銅絃

新疆圖志

建置志一

一一四

二 探布

絃四按西域圖志回部樂器有哈圖札克狀類胡琴馬尾絃二銅絃十喀爾奈狀類洋琴銅

絃十八喇巴卜絲絃五銅絃三色塔爾狀類二絃絲絃二雙銅絃一單銅絃六無純用銅絃者亦無專用銅絃

而成聲者疑今所見者皆尋常樂器其古樂器不可見矣鼓敦巴克鼓也謳胡曲使婦

女數人曳綺縠振袂赴節薦朗纏婦跳舞之各猶蒙古日背柳也亦作薦郎

以爲樂其游氓之逋蕩者則聚而博塞強者拔刀相向

弱者或破產吏不能禁每七月中旬出城隍行像三日

盛陳鹵簿設鼓吹雜劇來往通衢觀者如堵否則多天

札也附郭縣曰迪化漢爲卑陸劫國地晉屬高車亦曰

狄歷卽鐵勒也後入於蠕蠕周屬突厥隋爲西突厥鐵

勒屬焉唐隸北庭大都護府宋爲高昌國北庭地元屬回鶻土城明屬衛拉特和碩特部明末屬額魯特

本朝初爲準噶爾庫木諾雅特游牧地其界東七十里

至鹹泉子接阜康商一百四十里至阿勒塔其河源接

焉耆西六十里至頭屯河接昌吉北二百一十里至白

家海子接科布多東南二百四十里至白楊河接吐魯

番西南一百一十里至繡沙達坂接焉耆及昌吉東北

二百三十里至沙梁接阜康西北三百里至沙梁接昌

吉東西一百三十里南北三百五十里有莊九十九曰

新疆圖志 建置志 十一

蘆草溝城東三里曰五道灣城東九里曰八戶梁渠城南八里曰

十七戶渠城南二里曰東溝城南六里曰西溝城南六里曰上

頭屯城南八里曰碾子溝城西五里曰中營工城西二里曰大地

窩堡城西三里曰東九家灣城西三里曰三十五戶城西四里

曰小地窩堡城西六里曰西工底坪城西六里曰申夷鐵廠

城西六里曰二坪城西六里曰西工南渠城西七里曰安南工

城西七里曰三坪城西八里曰頭坪城西八里曰軍戶城西八里

曰夷戶城西八里曰東三工城西九里曰下四工城西九里曰

北五道灣城北五里曰六道灣城北五里曰七道灣城北二里曰西

北五道灣城北五里曰六道灣城北五里曰七道灣城北二里曰西

渠城北二曰中渠城北二曰六道灣城北二曰九道灣

城北三曰卡子灣城北三曰石洞子城北三曰太平渠

城北四曰固堡子城北四曰西工渠城北四曰西三渠

城北五曰古牧地城北五曰廣東戶城北五曰東工城北

城北六曰固堡東渠城北七曰吉三

城北七曰鐵廠溝城北七曰四戶地城北九曰十二

城北九曰胡桐窩城北九曰不黑溝城北九曰上胡

城北一百曰蔣家灣城北一百曰下胡桐窩城北一百

城北一百曰新渠子城北一百曰二道灣城北一百曰二工皇田

城南三十曰西九家灣城南三十曰烏拉擺城南三十曰東廠

城南四十曰西廠渠城南四十曰邵陽渠城南四十曰白楊

城南八曰水西溝城南九曰七工城南九曰二工城南

城南九曰頭工城南九曰板房溝城南一百曰小東溝城南一百

城南一百曰荒草梁東渠城南一百曰荒草梁中渠城南一百曰

荒草梁西渠城南一百曰達坂城城南一百曰下西溝


城南一百曰方家溝城南一百曰上西溝城南一百曰

東溝城南一百曰大河沿城南一百曰雅爾巖城南一百

城南一百曰倉戶溝城南一百曰二道泉城南一百曰太平渠城南一百

城南一百曰倉戶溝城南一百曰二道泉城南一百曰太平渠城南一百

新疆圖志



建置志一

二二

對曰永豐渠西莊城西南曰永豐渠中莊城西南曰永

豐渠東莊城西南曰公勝渠上莊城西南曰公勝渠中

莊城西南曰公勝渠下莊城西南曰亂山予城西南

野曰小渠城西南曰三箇泉城東北曰二工堡城西北

十餘曰三工堡城西北曰四工堡城西北曰宣仁東

渠城西北曰四寸一戶城西北曰安寧渠城西北曰兵

戶渠城西北曰六十一戶城西北曰下頭屯城西北曰

沙梁子城西北曰甘州工城西北皆其屬也西域圖

州屬壯十七日頭道灣莊州治北二十五里阿勒塔密齊

郭勒北行分支處東有二道灣三道灣四道灣莊曰五

新疆圖志

建置志一

道灣莊州治東北二十五里阿勒塔密齊郭勒至其地

在屢豐堡東又東有六道灣七道灣八道灣并曰九道

灣莊在五道灣東又里阿勒河至其地又東有熱水泉自

頭道灣至此凡九莊茲舉民居殷富者言之曰卡子灣

莊庄東五道灣北十里自五道灣至此博克達鄂拉時

其東南山麓流泉環帶莊戶鱗比致為勝秀曰古木州

治東北四十里乾隆二十七年於其地建韓懷城門四

東承恩西敦信南陽若北星從曰地窩鋪州治西三十

里當鞏甯城北踰烏魯木齊支河至其地曰三箇泉莊

州治西七十里其南二十里為西三箇泉曰倉房溝莊

任西三箇泉莊南二十里曰大西溝州治西南二十里

烏魯木齊郭勒發源處水泉饒沃居民櫛比東踰烏魯

小齊郭勒十里有小河出南山麓北流居民依之稱南

山戶莊曰鹽池墩州治南五十里阿勒塔密齊郭勒流其

東又東南行踰阿勒塔密齊郭勒循南山麓稱達根戶

莊以今較之多於前五十莊按今鄉土志無頭道灣三

道灣四道灣二處無鹽池墩大西溝古木土地近南山

墩子等各抵年久兵燹後又數移易矣

多瀉鹵東西膏沃宜麥穀藥有枸杞多葭菹檉楊胡桐
白草水甘草薦蕃畜牧饒煤炭歲出以億計迺化西北

九十里為昌吉昌吉北極高四十四度偏京西二十九度夏至晝長六十一刻夜長三十

五刻冬至晝夜相反午正日景夏至晝長一尺八寸一分冬至晝長一丈五尺五寸四分春秋分晝長六尺六寸八分

漢為單桓東西且彌烏貪訾離地晉屬高車魏入於蠕

蠕周突厥隋西突厥鐵勒地唐屬北庭元屬回鶻五城

明屬衛拉特待行記云元地志附錄有仰古八里及古塔巴按仰吉與昌吉音近巴里即巴勒蒙

語謂城也古塔巴即呼圖壁也西域土地人物畧昆迷失之北有昌都刺城哈刺哈失鐵城之北有苦他把城

按昆迷失即吐魯番西之庫木什驛哈刺哈失鐵城即喀喇沙爾則昌都刺苦他把二城為今昌吉與呼圖壁也

新疆圖志

建置志一

兵界東二十里至沙梁接迺化一百六十里至廟兒

溝接焉耆府之珠勒都斯和碩特部中路三旗牧地西六十里至紅

水枯溝接呼圖壁北二百三十里至北沙窩子接科布

多東南一百一十里至大卡子溝接迺化西南一百五

十里至石梯子山接呼圖壁東北二百里至北沙窩子

接迺化西北一百八十里至雙圪子接呼圖壁東西八

十里南北三百九十里有莊五十一舊分四大莊用元亨利貞識別之有

上元下元南亭北亭東利西利各各曰七工莊城東曰八工莊城南曰小

三工城南曰寸工莊城南曰大二工莊城南二曰二十

戶城南二里 曰下營盤城南十五里 曰屯田破堡城南三十里 曰頭

工莊城南三里 曰三江莊城南三里 曰小軍戶城南三里 曰左

營屯田城南四里 曰三屯廟城西七里 曰新戶梁城西二十里 曰廣

東戶城西四里 曰亨三工城西二十里 曰河州王城西三十里 曰夷

戶城西五里 曰十四戶城西十五里 曰亨二十五戶城西十五里 曰

亨六工城西十五里 曰新一莊城西三十里 曰三畦城西三十里 曰頭

畦城西四十里 曰五畦城西四十五里 曰亨三十戶城西六十里 曰軍戶

城西六十里 曰貞一莊城北一里 曰貞二莊城北一里 曰小西莊

城北十五里 曰利十二莊城北十五里 曰下六工城北二十里 曰下三

新疆圖志

建置圖志一

莊城北二十里 曰十三莊城北二十里 曰利十四下莊城北二十里 曰

上墊壩城北三十里 曰下泉莊城北三十五里 曰二十四戶城北五十里

曰芟芟槽城北九里 曰新渠村城北一百二十里 曰南五工城南五里

里 曰上六工城東北六里 曰東七工莊城東北七里 曰東三莊城東北

北一里 曰馮家壩城東北七十里 曰五十戶城東北七十里 曰貞下莊城

北二里 曰涼州工城西北十五里 曰利十五中莊城西北十五里 曰

下墊壩城西北三十里 曰亨二十戶城西北六十里 皆其屬也西域圖志昌吉

屬莊三 曰羅克倫洽西二十里 舊為噶勒丹多爾濟游牧之所 乾隆二十年三月大兵進討 準噶爾噶勒丹多

爾濟偕其兄子札納噶爾布以二千五百餘戶降 二十一年十一月札納噶爾布叛 二十二年二月殺噶爾丹

多爾濟於安濟哈雅札納噶爾布旋為布爾古特合吉
渾齊等擒斬以獻所部乃平日蘆草溝治西七十里今

屬迪化曰呼圖克拜治西九十里乾隆二十九年
建景化城舊對音為呼圖壁今設呼圖壁縣丞 其民

雜居三種漢纏而服賈力穡則漢民較多地質人稀有

稗販而無大賈故其俗織畜齷齪自守然土沃宜大小

麥豌豆省治多資之其南山多煤城南八十里所謂頭
屯煤窰也一歲出境

約七百餘萬而纏商近歲販牛羊皮賈伊犁塔城多至五六

千皮有日進之勢其西北九十里為呼圖壁其界東三

十里至橫水橋接昌吉南三百里至雪山接焉耆西七

十五里至大土古里接綏來北四百餘里踰洛克倫接

新疆圖志 建置志一 二十一

科布多東南二百二十里至石梯子山接昌吉之芬水

梁西南一百九十里至雀兒西溝接綏來之三道馬廠

東北一百二十里至桑家渠接昌吉之白家海子西北

一百九十里至芟芟梁接綏來之新戶東西一百五里

南北七百餘里有莊二十五負郭四周曰和莊和莊之

東曰頭工城東十里曰四工槽城東二里曰白格達城東三里

曰十四戶城東十五里曰小土古里城東四里曰寧州戶城東十里

和莊之西曰嘉三莊城西二里曰嘉七莊城西三十五里

曰大土古里城西七里和莊之北曰下三工城北十里曰和四

上莊城北五十里曰胡桐窩城北六十里河東岸即下廣東戶曰桑家

渠城北百二十里領渭曰芳草湖城北百七十里領小渠戶中梁鎮番戶三處

破山口曰石梯子城東南百八十里入山二站曰五哇城西南百七十里曰雅兒

東溝城西南百七十里入山曰雅兒西溝城西南百九十里曰東漢城東北三里

野曰十三戶城西北二里曰五戶廟城西北三里曰大泉城西北四里


北四十里曰小泉城西北四里曰下芟芟梁城西北百九十里皆

其戶也漢民為土著其流冗多漢裝回皆河湟產也而

南疆纏回亦時有至者無恒業為人傭作以收直其俗

拙吝然好稼圃孳畜產故多小麥稻梁蔬果穀畜牛羊

新疆圖志



建置志

又西北一百六十里為綏來綏來北極高四十四度二分

度四十八分夏至晝長六十一刻五分夜長三十一刻十分

正日景夏至長三丈七寸五分冬至長一丈二分

四尺一寸八分春秋分長九尺六寸七分 漢為烏貪

訾離及烏孫東境三國烏孫魏高車周突厥隋西突厥

鐵勒諸地唐為西突厥處密部內屬隸北庭都護府宋

元為回鶻地明為衛拉特

本朝初為準噶爾呼拉瑪部游牧地侍行記云唐青海

傳作昌八里城有瑪納思河地亦附錄作彰八里辰春

遊記作昌八喇今縣東三十里有準部廢城乾隆時

各陽巴勒噶遜即昌八喇轉音也其界東七十里至深

溝接呼圖壁南一百四十里至甘溝山接焉耆西二百
二十里至雙石壘接庫爾喀喇烏蘇北一百九十里至
鎮西營堡接阿爾泰山東南一百二十里至西涼戶接
呼圖壁之雀兒溝西南二百三十里至頭道河接月牙
臺承化寺喇嘛牧地東北一百九十里至馬橋子堡接
塔爾巴哈臺屬之土爾扈特牧地西北二百七十里至
各林各諾爾接塔城東西二百九十里南北三百三十
里有莊十一曰包家店城東二
十五里曰南涼州戶城南三
十里曰
黑梁灣城南三
十里曰頭阜城西百
十里曰龍骨河城北三
十里曰北

新疆圖志

建置志

沙山城北八
十里曰牛圈城西南百
六十里曰石廠城西南百
九十里曰博

羅通古城西南二
百六十里曰頭道橋城西北
七十里曰沙灣城西北百
四十里

皆其屬也訊鮮錄馬橋子在治東二百餘里同治初居
民避兵於此築堡跨洛克倫河賊至則扼險

以守賊退則耕地肥美每種一石可獲百餘石賊平避
難者皆歸其地遂廢案西域圖志綏來屬莊七曰陽巴

勒葛遜治東三十里曰圖古里克治東南八十里今屬
呼圖壁曰巴克呼蘇治西四十里南距哈中博克達山

一百里當孔道曰烏爾蘇烏蘇在巴克呼蘇西四十里曰
和爾郭斯舊音和洛霍斯在烏爾蘇西十里治東八

十里地以河各乾隆二十三年正月超勇郡王將軍策
布登札布以四百人追準噶爾從賊布庫察漢哈薩克

阿喇等至此賊眾千餘以輜重先行賊據險設伏我兵
至賊蜂聚槍礮四集策布登札布奮勇突圍擒其宰桑

渥堵特職眾千百我軍無一傷者賊乃潰散有
製和洛霍斯行曰博羅特克圖魯庫在巴克呼蘇西

十里東治一百里以安濟哈雅在博羅特堯圖魯車而南五十里治東一百五十里南北有山安濟哈雅河經

流其地形勢緊嚴繞水草宜耕牧舊準噶爾部噶勒丹多爾濟之姪札納噶爾布游牧於此乾隆二十二年四月

月呢瑪與噶勒丹多爾濟不協說札納噶爾布殺之及所屬舊宰桑等處其餘眾與呢瑪札哈沁等一欲據準

噶爾為台吉乃自安濟哈雅移博羅塔拉而去後為布爾古特台吉渾齊等擒殺其部悉定東為巴哈安濟哈

雅西為伊克安濟哈雅西接庫爾當孔道數被兵志云喀喇烏蘇界與今鄉土志不同

同治二年安得璘索煥章之亂南北二城相繼淪陷光緒二年金順劉錦棠始復其城二十一年河州回托長

作亂旋擊平之二十五年回紳馬玉其民族四纏蒙而章陰結五屬回匪謀亂事覺磔死

漢為大鄉土志云同治間本境回民多至四五千戶光緒二年克復後本境回民或被勒殺或被難他

往存者不過二百餘戶二十五年以後存者僅七八十戶而陝甘回民尚有百餘戶多經商者纏民自光緒間

新疆圖志

建置志

克復城後始有之今業農其俗與昌吉類重農事修賢工商者約亦四五百戶

校生徒數十人謹案新疆惟鎮西廳及迪化府屬有學額餘俱無商旅聯福百

而天津人為最二十餘家多客籍菽麥果蔬金玉膏油皮革鹿茸之屬

皆其產也東賈秦晉隴蜀北賈科塔殷庶為奇臺亞迪

化東北一百二十里為阜康阜康北極高昌四十四度九分偏京西二十七

度五十分夏至晝長六十一刻五分夜長三十四刻十分冬晝長三十四刻十分夜長六十一刻五分午正

日景夏至長三尺七寸七分冬至長二尺四分漢為郁立師車丈四尺三寸春秋分長九尺七寸一分

師後國後漢為車師所併三國屬車師後部魏為蠕蠕

地周為突厥隋為東突厥唐為庭州馮洛沙鉢諸地元

爲回鶻五城地明屬衛拉特

本朝爲準噶爾圖爾古特部游牧處待行記云漢金滿唐浮屠沙鉢馮洛

聊勒俱六諸城及神仙遺地元別石把明墩刺城見西域土地人物畧國初各特訥格爾急呼之則墩刺矣

其界東一百三十里至四十里井子接孚遠南九十里

空博克達山頂接吐魯番西五十里至鱸泉子接迪化

北一百餘里至沙灘接科布多東南二百里至石礪溝

接孚遠西南四十里至平臺山接迪化東北一百五十

里至磨菰湖接孚遠西北四十里至胡桐窩接迪化東

西一百八十里南北一百九十餘里有莊二十七曰兵

新疆圖志



建置志一

二二四

戶城東八里曰內東渠城東十里曰五運城東十里曰六運城東十五

里城東八里曰八運城東十里曰九運街城東二十里曰七運城南十一里曰

十運城東十五里曰東八運城東三十里曰東五運城東十五里曰滋

泥泉城東十里曰商戶溝城東十五里曰梭梭溝城東九里曰西

泉城東九里曰八戶溝城東一十里曰西渠城東一十里曰東

渠城東一十里曰四十里井子城東一十五里曰甘泉堡城西四十

里曰土墩子城東南六十里曰南泉城東南八十里曰五工梁城東南八十

曰黃山街城東南九十里曰二道河城東南一百三十里曰頭丁城西十五里

曰黃土梁城東北八十里曰東泉城東北一十五里皆其屬也西域圖志

阜康屬地五日賽因塔喇治東六十里平原沃壤饒水草宜耕牧又東三十里爲滋泥泉塘曰庫里葉圖治東一百二十里曰納里特治東一百四十里又東十里爲三臺塘曰濟木處治東二百三十里有舊城又新建保惠城舊城西五里爲柳樹溝建堡一曰時和又西二十五里爲雙岔河建堡一曰育昌俱有屯田濟木薩東北四十里爲伯什特勒克有舊城曰得勒呼蘇臺在伯什特勒克城南五十里今案鄉土志多二十二區其濟木薩後改置孚遠縣惟滋泥泉三臺兩處尚存舊名耳問市彫劫而風尙純朴居民種秫酤一歲千釀而賈迪化東賈古城歲恒二萬餘劬又東二百四十里爲孚遠孚遠偏北極高四十四度十分二分夏至晝長六十一刻一分夜長三十四刻十四分冬至晝長三十四刻四分夜長六十一刻一分午正日景夏至長三丈六寸八分冬至長二丈七分漢爲車師後三丈七寸三分春秋分長九尺五寸五分

新疆圖志

建置志一

二二五

國車師後城長國三國爲車師後部魏爲蠕蠕周爲突厥隋爲東突厥唐金滿縣地宋高昌國北庭元回鶻五

城地明爲衛拉特西域圖志云漢車師後國南與車師前國接界書謂之後國范書謂之後部今天山南關展屬焉車師前部地自濟木薩南踰天山通關展所屬之交河即漢書由前部高昌壁通後部

金滿城之路是車師後王國立今阜康縣境內而所謂金滿城者與今濟木薩爲近似矣關展北倚天山踰山

爲唐兩突厥地葉護屯可汗浮圖城與高昌相響應其地必與高昌北境相屬故得藉此以爲聲援今濟木薩

與東北境之伯什特勒克皆有舊城而自濟木薩南踰天山通關展即高昌地疑漢時金滿城唐時浮圖城於

是乎在也處月內屬即其地置金滿沙陀二州金滿居西即漢金滿城舊地又爲金滿縣隸北庭都護府皆以

漢城得名今按鄉土志城北三十里有破城相傳唐時築疑即金滿城故址有唐破鐘一半埋土中土人取以

鑄農器同其界東四十里至大泉接奇臺南一百四十

里至冰達坂接吐魯番西一百一十里至四十里井子

接阜康北一百一十里至北沙山接科布多東南九十

里至柏楊河渠接奇臺西南一百二十里至礮山接阜

康東北九十里至沙山接奇臺西北一百二十里至沙

山接阜康東西一百五十里南北二百五十里其莊分

二十五渠曰附城渠附郭曰二工城東一曰芟芟窩城東

里曰頭工城東四曰三盛渠城南四曰大有渠城南七

曰太平渠城南七曰長山渠城南七曰公盛渠城南七

新疆圖志



建置志一

曰小西溝城南七曰長盛渠城南七曰廣泉子城南九

曰雙岔河城西四曰柳樹河城西五曰慶陽湖城西五

曰大馬圈城西六曰老三臺城西七曰西地城西一百

曰后堡子城北二十五曰西上湖城北二十五曰十二戶城北

四十一曰豐盛堡城北九曰柏楊河城東南曰大市溝城西

南九十里曰上暖泉城東北皆其屬也其民皆土著重農

有土五十人回民聚居廣泉子率力田地踔遠人民希

洎蕩綿斥宜四擾市列無大賈故其俗獷僻競錐刀之

末水西溝產鐵有故冶場一千佛洞尤人所稱也東又

南一百里為奇臺奇臺

北極高四十四度四分偏京西二十六度二分夏至晝長

六十一刻夜長二十五刻冬至晝長三十一刻五刻夜長六十一刻午正日景夏至晝長三十三尺七寸六分冬至晝長二十二尺

四尺二寸春秋分二蒲類車師後城長國東漢為車師長九尺六寸八分

後部所并漢末屬匈奴晉世匈奴南徙屬鐵勒部魏屬

蠕蠕周屬突厥唐置蒲類縣隸崑陵都護府統於北庭

後置甘露州在今木壘河東北又設獨山守捉即今古城南百

貞元五年沙陀叛附吐魯番隨虜南徙地遂空其後僕

固俊由北庭取西州其地并入高昌屬阿薩蘭回鶻後

唐同光初遼踰流沙取浮屠城西域皆屬之宋咸平中

新疆圖志



列此諸土也

二十一

遼聖宗統和二十一年遼修可敦城近地木壘又以其城為鎮州軍南

渡後為別失兀里東境屬亦都護示太祖西征至獨山

城空無居人乃移峻迷國即費里木六十戶居之再至則繁

庶後并於畏兀兒封亦都護泰定後復以宗王鎮焉明

為衛拉特地屬和碩特部

本朝為準噶爾台吉游牧康熙中噶爾丹敗訛阿爾泰

山以西界策妄阿拉布坦地遂內屬康熙五十四年策妄入犯常設備邊

沈乾隆二十四年回準悉平始建奇臺堡四十年設縣光緒十五年徙縣治於古城仍名奇臺其界

東三百里至噶順接鎮西南一百里至大西溝接吐魯

番西四十里至大泉按遠北三百里至拜達克山接科

布多屬札哈沁旗東南二百八十里至穆家地接吐魯

番及鄯善西南一百九十里至柏楊河接孚遠東北四

百餘里至哈布塔克接鎮西之羊圈灣及科布多之札

哈沁旗西北五百里至元湖接科布多東西三百四十

里南北四百里有莊三十六曰西吉爾舊治東三十里曰東吉

爾舊治東四十五里西域圖志作東西濟爾瑪臺道里亦異曰木壘河舊治東九十里曰白

楊溝舊治東三十里曰上開墾舊治南五十里曰下開墾舊治南六十里曰

平定渠舊治南六十里曰鶯格布拉舊治南八十里曰隆舊渠舊治南九十里

新疆圖志



建置志一

二二八

曰小堡舊治西四十里曰中葛根舊治西八十里西域圖志作

東堡曰碧流溝舊治西一百里曰永豐渠舊治西一百五十里西域圖志吉布庫下有

永豐溝曰童子溝舊治西一百一十里曰達坂河舊治西一百五十里曰東

灣舊治西八十里曰紅大渠舊治北十五里曰牛王宮舊治北二十里曰西

地舊治北二十里曰東地舊治北二十五里曰北道橋舊治北四十里

曰平頂山即茂明山舊治東南百二十里曰新尸梁舊治西南七十里曰半截

溝舊治西南八十里曰老中葛根舊治西南九十里曰西葛根舊治西南一百

里曰更格爾舊治西南一百九十里曰興平渠舊治東北四十

里曰頭畦舊治東北五十里曰二畦舊治東北六十里曰三畦舊治東北七十

里曰二屯舊治東北一百一十里曰三屯舊治東一百二十里曰古城治舊

沿西北曰頭屯舊治西北一百一十里曰小屯舊治西北一百一十里皆其屬

也西域圖志奇臺屬地十一曰濟爾瑪臺治東九十里

西濟爾瑪臺堡一各東濟爾瑪臺堡有屯田曰木壘在

濟爾瑪臺東十里負天山之陰地廣饒水草宜耕牧東

扼巴爾庫勒西通烏魯木齊舊為聲援要地乾隆十九

年大兵進討準噶爾駐營於此有木壘城東距縣治百

里城東南別有舊城一雍正年間築東北境有木壘堡

一木壘布拉克出南山下北流環堡左右其東北境有

木壘塘有屯田曰伊勒巴爾和碩在木壘東北四十里

南有泉出北山麓有一灣泉塘今各一椀泉狀其小也


曰阿克塔斯在伊勒巴爾和碩東五十里泉源三道相

距各十餘里今各三箇泉曰烏蘭烏蘇地以水各在阿

克塔斯東南九十里舊為準噶爾東境乾隆二十年三

月大兵進討準噶爾甫入境有札哈池宰桑敦多克及

新疆圖志



其德木齊巴罕曼濟等來迎率所屬一千五百餘戶內附是為諸部落歸誠之始曰格根治西四百里分中東西三堡相距各五里堡各有渠源出天山北麓東各永豐溝西各永泰溝有屯田曰鏗格爾在吉布庫西二十里堡西有泉土名達巴罕溝曰古城在治西北九十里南北二城今奇臺縣治曰都爾伯勒津在古城東十里有舊城東有舊城屯泉曰乾溝在古城西六十里案與今地各多不同而今較多二十五處知承平日久墾闢者廣也 其民三種雜處鄉土赤

三年前漢民七千餘戶今僅三千餘戶商工各半同民不下四千家十年以後幾無無類光緒初稍稍聚集今不過五百餘戶經商者百餘戶工滿營弁兵亦千數百

次之繼民百七十餘戶工商各半

人居滿城統橫舍之士數十其處四達而據衝物產豐噎穀酒藥材羶角鹿茸豺虎之皮革驢羊之毳充溢駢

積華戎商販廢居居邑者皆至焉轉轂數百運馳以千
計北賈科布多烏里雅蘇臺東北賈歸化城西賈伊塔
俄國南賈吐魯番及天山以南東路一都會也而罌粟
徧南山關隴敖民饗其利而來者歲約二萬人皆虛往
實歸以爲常故其俗闕冗獎誦無節好飲食賣漿者多
倍稱

新疆圖志

建置志一

四十一

